

մեանցից չեն զանազանվում աշխարհը կառավարելու ձևումը. այդ ձևը կամայականութիւն, բրնութիւն, ահ ու սարսափն է: Ճշմարիտ որչարագործութիւնները պատժվում են, բայց առաքիւնութիւնը աւելի շատ է վտանգվում: Գողերին, աւազակներին կտրում են, յանցանքի ծանրութեան համեմատ, քիթը, ահանջները, ձեռները, աւելի ծանր յանցաւորներին՝ գլուխը: Սպանուածի արիւնը, ինչպէս Տաճկաստանում, պահանջվում է սպանողից կամ արիւնով, կամ դրամով բայց այդ օրէնքների արդար գործադրութիւնը կախուած է խանի միահեծան անձնաւորութիւնից, նորա իւր ստորագրեալների վերայ ունեցած իւր հայեացքից, մինչև անգամ նորա լաւ կամ վատ տրամադրութիւնից: Շատ անգամ աւազակները պատժելու տեղ վարձատրվում են, նայեած թէ գործը խանին ինչ տստիճանի շահաբեր է: Եթէ աւազակութիւնը կատարվում է թշնամի մարդու տան, ստացուածքի վերայ, կամ սահմանից դուրսը, այն ժամանակ դա աւազակութիւն է անուանվում այլ քաջութիւն *):

*) Ես Մագուայ մէջ տեսայ ամեն կողմից ժողովուած աւազակների մի խումբ, որոնցից մի քանիսը խաների սպասաւորութեան մէջ էին մտել, Դոքա յայտնի պատրաստվում էին Ռուսաց սահմանի վերայ արշաւելու, կողակների արթնութիւնը արգելեց դրանց իւրեանց նպա-